



830181

御製全史詩

讀通鑑紀事本末

周至五朝代

國朝書
御製全史詩

六編圖
書鑑錄

天德堂
御製全史詩

余在潛邸即喜讀司馬光資治通鑑及受
璽親政猶日手是編不輟誠以帝王治統
法戒昭然非特儒生誦習舊聞已也繼洙
水而作者若綱目長編及宋元續通鑑諸
書並登著錄卷帙浩繁端委莫竟宋衷樞

御製全史詩

第三冊

始以通鑑舊文每事為篇命曰紀事本末
蓋合紀傳編年為一體實史家之別裁為
讀者之捷徑厥後陳邦瞻因馮琦稿本以
紀宋史因商輅等撰述以紀元史雖詳贍
不逮衷樞亦考鏡得失之林也我朝順治
時浙江提學谷應泰得山陰張岱所輯明
代遺事亦倣斯體勒為一編其時明史尚

皇朝未奉

勅刊定鮮所折衷故所載靖難時事每有失實

其他排比纂次並足資觀覽夫紀事之書

上溯古皇下迄勝國雖製作不同其垂鑑

一也予幾暇拈吟自史記三皇五帝而後

繼之以讀尚書詩又繼之以讀左傳詩茲

復取衣樞通鑑紀事本末及陳邦瞻谷應

御製全史詩 第三冊

泰所纂擇事之尤要者紀之以詩或仍其

舊題或別標新目成五言古詩百篇上下

數千年治道備于斯矣篇中持論多本

御批通鑑輯覽蓋史學之津梁即詩教之標準

予惟體

皇考之心以為心本

皇考之治以為治雖偶一涉筆不敢苟焉亦述

而不作之意云爾

三家分晉

通鑑繼麟經萬年岳信史本未益昭明一事貫

緣起拈題擇精華爰自今晉始周室閹凌夷諸

侯多僭侈效尤大夫張相率為奸宄三家趙魏

韓晉國陪臣耳智氏田既分

智伯帥韓魏之甲以攻趙氏趙襄子

走晉陽智伯行水圍而灌之城不浸者三板襄子夜使人殺守堤之吏決水灌智伯之軍智伯

御製全史詩

第三冊

三

軍亂韓魏翼而擊之大敗智伯之眾遂殺智伯三家分智氏之田

唐叔基隨圮

申命作屏藩壞法而亂紀豈同請隧時勢不能

禁止名器早假人奚能守舊禮

周末之弊政令不由共主名器

久已假人至積重難返之時即欲繩之以禮而尾大不掉勢已無可如何子詠通鑑詩首此深

有鑑于四維之必張而大權之不可旁落云

秦并六國

周衰不復振西秦勢最强六國名位等德薄徒

徬徨連橫合縱起舌辨紛蘇張割地予暴虐貪

得哀益狂抱薪救烈火受愚忘咎殃六國之策惟以割地

事秦苟延旦夕魏段干子請割南陽予秦蘇代謂魏王曰以地事秦猶抱薪救火薪不盡火不

滅也夫割地則國日盛隣敗則患將及已六國不此之悟而徒割地以偷安速至唇亡齒寒淪

胥以鋪秦人唾手而并吞之然則六國之函關亡非秦能亡六國乃六國之自取滅亡耳

一旅出虎豹驅羣羊燕齊楚三晉懦弱速敗亡

金城聖人守永保邦家昌

御製全史詩 第三冊

高帝滅楚

失鹿嗟暴秦爭逐惟漢楚漢興楚淪亡要論無

煩語知人不知人劉項成敗舉入關先得民三

傑寄心膂大度納善言勞心歷險阻項籍匹夫

雄搏戰力能禦驕慢哲賢一增時齟齬信謂

婦人仁了然若觀炬沛公入關從蕭何樊噲張良之言約法三章以定關

中迨後立沛公為漢王周勃等勸沛公攻羽蕭何諫止之張良遂薦韓信于沛公拜為大將得

人之效也羽有一范增而不能用何識量之相
越甚遠耶信稱項王匹夫之勇耳見人慈愛恭
敬言語嘔嘔人有疾涕泣分食有功當封忍不
能予此所謂婦人之仁也名雖為霸實失天下
心故其強易弱信之言於劉
項興亡早已灼然無疑矣

諸呂之變

呂后性貪殘戚姬恨切骨高帝甫上賓禍不旋
踵發母子遭毒痛孝惠繼亦沒僭位十五年王

呂領節鉞祿產皆分茅漢臣智力竭朱虛雖折

御製全史詩

第三冊

五

姦所幸見崇歿

呂后見物如蒼犬撒后腋卜
云趙王如意為崇遂病歿

左

袒人心同仗義行誅伐天方興炎劉安劉豈平

勃初高帝謂周勃厚重少文安劉氏者必勃陳
平患諸呂力不能制乃與勃深相結及諸呂

成之且軍門下令倘其時人心未順一軍未盡

左袒勃將若之何可知天
意安劉初非平勃之力也

漢武帝開邊

文景善守成武帝意泰侈唐蒙開西南張騫通

月氏叶滇池及夜郎大宛康居抵鑿空皆偽言

貪功不知止遠近途未明妄談萬餘里鹽澤非

河源稽訛證漢史史稱大宛去長安萬二千五百五十里康居在大宛之西

僅萬二千三百里月氏更在康居西止萬一千

六百里所以于闐鹽澤為河源不知鹽澤乃今蒲

足據且以于闐鹽澤為河源不知鹽澤乃今蒲

昌海自漢有河出昆侖之語歷代皆未詳考至

元都實乃以鄂敦淖爾為河源即星宿海也我

皇考特命訪求確實乃在星宿海西南有

河名阿勒坦郭勒蒙古語謂黃金河也其水色

黃迴旋三百里始入星宿海又阿勒坦郭勒之

西有巨石高數丈名阿勒坦噶達素齊老蒙古

語噶達素北極星也齊老石也其崖壁黃赤色

壁上為天池池中流泉噴涌灑為百道皆作金

色入阿勒坦乃真黃河上源詳見聖製河源詩

訛襲誤殆非欽定河源紀略即此以証前史沿

御製全史詩

第三冊

恭顯用事

蕭周皆名儒輔政歸尺度恭顯妬賢良正邪豈

同路寃誣朋黨興廷尉獄已具既知復免官愴

愚心疾痼卒致哲士亾涕泣終不悟徒有婦人

仁難奮雷霆怒柔懦墮乾綱帝自殺師傅火德

從此衰患在失舉措

元帝時中書令宏恭僕射石顯用事奏蕭望之周堪

劉更生朋黨請謁者名致廷尉時帝初即位不省名致廷尉為下獄可其奏後名堪及更生曰

繫獄乃大驚曰非但廷尉問耶以責恭顯乃赦望之罪旋賜爵關內侯復欲倚以為相又以望

之子書訟前事事下有司望之仰天嘆飲酖而死帝聞之拊手曰果殺我賢傅夫有一蕭傅

而不能庇知恭顯之奸而不能去其舉措不明於此可見雖却食涕泣奚益乎

漢成帝政衰

御製全史詩

第三冊

漢成政益頹基業艱負荷內荒女寵多飛燕尤

婀娜博士已見機禍水必滅火

孝成帝時多女寵悅歌舞者趙

飛燕名入宮復名其妹披香博士

微行稱家人

縱欲肆顛簸立后幸昭儀珠玉飾青瑣觀圖不

知愆難扶大厦墮

嘗與諸侍中宴飲禁中幄坐張屏畫紂長夜之飲指以問

班伯曰此圖何戒班伯讜言雖切而成帝罔有峻心毋恠乎漢祚之傾頹矣

王莽篡漢

三帝皆中才大柄外戚授賊臣孰釀成總由孝

元后漢祚中微國統三絕元帝成帝哀帝皆中主之才政由外戚元后以耄年為之宗主

故王莽得肆其姦慝之謀王莽佞邪尤遭微姦慝就詐偽比

周公擅權孺子幼居攝遂即真漢業遽傾覆符

命惑黔黎毒虐流宇宙養亂始宮庭投壘漫挽

救莽自元始元年自號安漢公四年自加號宰衛五年自加九錫旋即攝位踐阼改元居攝

自祀南郊三月立孺子五月稱假皇帝因翟義起兵惶惑抱孺子禱郊廟妄擬周公輔成王作

御製全史詩 第三冊

大誥義敗詐為符命詭謀即真遂易漢為新求壘於元后元后出壘涕泣投之地夫以莽包藏

禍心已非一日元后曾不之悟至是公然求壘雖欲靳而不予豈可得乎治國先齊

家本立丕基厚

光武中興

人心思漢興舂陵義師起盛德邁高皇隻手扶

傾圮千騎為前鋒卅萬賊披靡人歸天與之轉

瞬漸臺燬信賢善養民古聖道同揆信識齊眾

心神道設教耳

宛人李守好識記曰劉氏當興後劉續起兵春陵昆陽之戰光

武將步騎千餘為前鋒王莽大發州郡兵會者四十二萬人莽兵大敗羣臣扶莽至漸臺眾兵

上臺斬之後光武自薊還至中山諸將上尊號會儒生疆華自關中奉赤伏符來請乃即位于

鄗南蓋其時圖識之說盛行假此以定眾心實由天之所助者順也赤眉銅馬平

於昭炎漢紀中興帝業成盡善兼盡美

東京黨錮

竇梁固宜誅失與宦官議幸除外戚家權歸中

御製全史詩

第三冊

九

常侍封賞定策功太阿嗟傾墜

和帝誅竇憲封鄭眾為大長秋

順帝誅閹顯封孫程等九人為列侯桓帝誅梁冀封單超等五入為列侯竇梁既誅而中常侍

之權益盛順帝至以定策之功歸之奄人太阿之倒置如此清濁難合流正

邪不同類三君俊顧厨標榜受牽累鈞黨冤獄

興殘暴逞無忌善人盡淪亡邦國必殄瘁

靈帝時宦

官治黨錮李膺雖廢錮士夫高尚其道更相標榜有三君八俊八顧八及八厨之稱曹節侯覽

等既殺李膺黨人死者百餘人其死徙廢禁者又六七百人郭泰聞之慟曰詩云人之云亡邦

國殄瘁漢室滅矣但未知瞻烏爰止于誰之屋耳蓋自黨錮之禍起而士類殲滅殆盡所謂無善人則國從之也何進益平庸無謀委利器誅惡勿淫

疑一吏可了事奚用召外兵大慙垂機至閹人

雖焚夷漢祚隨毀棄桓靈召禍端昏愚隕厥位

何進欲誅宦官本一獄吏可了之事乃輕召外兵失策甚矣然桓帝先以誅梁冀功封五侯靈

帝始則曹節侯覽殺竇武陳蕃李膺諸人至呼張讓趙忠為公母宦官益無忌憚其究也張讓

段珪等殺何進遂成董卓弑逆之事禍端實造于桓靈也

御製全史詩

第三冊

黃巾之亂

天厭漢德衰建安倍昏弱內患宦者成外亂黃

巾作滋蔓害黎元州郡肆劫掠討賊未沐恩通

賊反受爵僅有一呂強奚能掩眾惡

黃巾賊起馬元義結

宦者封謂徐奉為內應元義事露車裂張角兄弟乃急遽稱兵天下響應不一年而破賊立功

者皇甫嵩盧植王允朱儁也然盧植連破張角

垂拔廣宗以小黃門左豐求賂不與檻車徵還王允得張讓交通書帝僅怒責讓亦不能罪至論討角之功則封張讓等十三人為列侯其時

宦官惟呂強一人清忠奉公而趙忠
夏憚譖之迫其自殺刑賞尚可問乎
姦雄收人
心行兵多智略稱或為子房篡謀露然諾豈待
九錫加邦基已旁落自命比周文欺世偽言託
操嘗云若天命在我吾其為周文王乎周文三
今天下有其一以服事殷孔子稱為至德操以
雄猜之性稔蓄奸謀乃欲欺世盜名自此周文
可謂小人而無忌憚觀于操為東郡太守時荀
或聞操名往依之操與語大悅曰是吾子房也
是直許或以佐命功又何能掩其欺詐之跡乎
赤帝氣數終當塗起銅雀

御製全史詩

第三冊

三分割據

曹丕篡漢朝中原竊天位孫權踞江東赤壁戰
功遂昭烈得大賢基定巴蜀地諸葛王佐才割
據非素志六出忠臣心三分上蒼意帝系續西

川公論千秋誌

諸葛亮寓居襄陽隆中昭烈帝
詣亮凡三往乃見屏人與語以

益州為天府乃天所以資將軍實欲藉為漢室
中興之策非意主偏安也迨建興五年亮率諸
軍出屯漢中以圖中原臨發上疏所謂前出師
表也亮使馬謖督軍與張郃戰于街亭謖違亮

節制敗績六年亮聞吳敗魏于石亭欲出兵上書于帝所謂後出師表也引兵出散關圍陳倉不充會糧盡引去七年復伐魏拔武都陰平八年聞魏曹真兵至出師次于成固赤坂九年伐魏圍祁山敗司馬懿引兵拒守八月亮卒于軍長史渭南魏司馬懿引兵拒守八月亮卒于軍長史揚儀引軍還以亮之鞠躬盡瘁洵為不負委任然漢祚難恢天心已定即鼎足三分亦僅稍支殘局惟正統所在卒歸西蜀固史臣不易之公論也

吳蜀通好

鼎峙雖天心舊業應培植兩雄爭荊州戰伐無

御製全史詩

第三冊

三

休息漢鼎魏已移偏安一隅側通好實良圖協

謀除國賊惜乎中道更擊權忿難抑絕吳蜀兆

亡卧龍徒竭力

先是蜀欲擊吳趙雲曰國賊乃曹操非孫權也迨遣陸遜定荊

州昭烈帝恥之將擊吳羣臣諫者甚眾皆不聽吳遣使求和于蜀不許進軍秘歸吳以陸遜為大都督拒之師次夷陵相拒七月遜以火攻蜀破四十餘營昭烈帝退入白帝城自是吳蜀失和而賊操益不可制雖有卧龍之忠智無所用之此漢祚存亡之一大關鍵也

諸葛亮出師

征北先定南志在滅曹氏縛渠七縱擒耽延無

是理諸葛亮討雍閬師至南中所在戰捷斬雍

致之既得繼使更戰七縱七擒而亮猶遣獲此

蓋史氏極擬亮行軍之妙如鬼神不可測度而

不顧其失實也彼時亮亟欲定南而北復漢竭

忠貞三顧重任委誅謾軍令申引咎首責已流

馬及水牛制器濟窮耳街亭之敗亮收謾殺之

請貶三等次年復伐魏亮勸農講武息民休士

三年而後用之作水牛流馬運米斜谷以濟一

御製全史詩 第三冊

時之 盡力功難成天絕炎劉紀哀哉五丈原時

勢皆極否史論短智謀見淺肆譏毀亮屯五丈

數出運糧不繼使志不伸乃分兵屯田為久駐

之計耕者雜于渭濱居民之間而百姓安堵軍

無私焉司馬懿拒守亮數挑戰不出會亮卒于

軍是天欲亡漢也史臣不察謂亮長于治戎短

于奇謀抑何其

妄肆譏毀乎

魏移漢祚

魏雖篡漢基川中非閏位正統猶未亡百代昭

公義後主實昏庸覆轍任宦寺姜維不戢兵鄧

艾冒險至降曹鄙譙周哭廟哀北地慷慨遂捐

軀凜凜有生氣安樂蜀不思心愚言無味漢絕

魏繼傾天道誠可畏蜀漢後主任用宦寺黃皓

陰平行無人之地七百餘里蜀人不意魏兵卒

至逆奔山野譙周遂勸帝出降其有愧北地遠

甚安樂公之愚駭其滅亡固宜然炎興癸未蜀

降于魏越二年乙酉魏即禪位于晉天道好還

吁可畏也

御製全史詩 第三冊

晉受魏禪

莽操肆逆志君弱逼位傳詐偽竊神器天理必

轉旋黃鉞加九錫強暴後仿前甘露元年詔司

督奏事不名加黃鉞後加九錫司馬昭加號大都

國晉公九錫之命常道鄉公四年乃受命此與

魏受漢禪時如出一轍雖諫為謙

讓其跋扈不臣之跡烏可掩乎 逞兵戰闕下

二凶抽戈鋌謂賈充禍更烈于漢善惡相推遷

陳留已宮鄴晉受禪奉魏主為孚拜徒淚漣不

陳留王即官于鄴

知倡大義貞士名難延魏帝禪位于晉出舍金壙城太傅司馬乎拜辭
執帝手流涕歔歔不自勝謂臣死之日固開創
大魏之純臣也遺令稱魏貞士不已慎乎開創
失正道割裂禍亂連

晉武平吳

蜀魏既告終晉吳豈並立加以皓凶殘征討事

應急山濤外內論附和逞口給杜預表請伐吳張華力勸之賈

充荀勗馮統固爭武帝大怒山濤退而告人曰
自非聖人外寧必有內憂今釋吳為外懼豈非

御製全史詩

第三冊

十五

算鐵鎖空沈江眾叛心難輯然炬說荒唐讀史

勿固執史稱吳人于江積要害之處並以鐵鎖截之濬令作大炬長十餘丈大數十圍

灌以麻油在船前遇鎖燃炬燒之杜預方略堅
須史融液斷絕乃夸詞非實紀也

王濬樓船入能為設坐談奚如守疆邑孫皓登

帝謂皓曰朕設此座以待卿久矣皓賞功未分

明優渾實濫及孫皓既平王濬王渾爭功不已

輔國大將軍封襄陽縣侯增京邑侯王渾邑八

千戶進爵為公時人咸以
濬功重報輕為之憤邑云

西晉之亂

司馬受魏禪厄運迭易移不仁得天下焉能鞏

國基賈充本元惡結婚固寵資妬忌多權詐干

政駿珧尸詐皇太子納賈充女為妃妬忌多權

事後父揚駿及弟珧濟始用弒后廢太子弒逆

禍敗隨梁趙申義問倫秀神器窺八王互構亂

御製全史詩 第三冊

六

同室相誅夷東海喜延納虛譽何等差趙王倫起事廢

后梁王彤亦預其謀倫陰與秀謀篡位倫素庸

愚復受制于孫秀淮南王允討倫于汝陰王

起兵迎帝復位賜倫死河間王禹使長沙王

殺罔成都王穎自恃功與河間王共表又論功

不平舉兵反長沙王奉帝及穎兵戰城中食盡

東海王越潛與諸將夜收又帑帝免又官密告

日甚奉帝征之敗績穎迎帝入鄴張方遷帝於

長安河間王廢太弟穎更立豫章王熾是為懷

帝論八王者首罪倫度謂罔稍賢又賢于罔而

越又賢于又亦彼善于此之言究之骨罔相殘

皆晉之罪人東海特以善禍機起妬婦借名羣

于延納為士論所附耳

朵頤賊充奪魏祚天道昭報施賈充與魏主高貴鄉公逆戰于

南闕下助司馬昭篡逆今身闕庭極昏亂淵勒

紛建旗君子營偽立乘勢原託辭劉淵將兵在鄴見司馬政

亂請說五部赴國難太弟穎悅拜淵為北單于

淵聲言助穎實欲叛之二旬之間有眾五萬劉

宣等上大單于號遂自稱漢王石勒往從之淵

以勒為護漢將軍平晉王勒眾至十餘萬集衣

冠人物以營懷愍遭辱戮繼統皆愚癡積弱不復

為君子營懷愍遭辱戮繼統皆愚癡積弱不復

御製全史詩 第三冊

振新亭徒感悲高談究何補久已傾四維過江人士

每至暇日坐新亭飲宴周顛中坐而嘆相視流

涕王導愀然變色曰當共戮力王室克復神州

何至作楚囚 鑑古昭得失有位曷慎思晉世士大夫以

清談相高謝安登冶城悠然遐想王羲之謂曰

四郊多壘宜思自効而虛談廢務非當世所宜

安曰秦用商鞅二世而亡豈清言致禍可見當

時習尚卒之國勢日弱綱紀日頽究何補于禍

耶亂

江左經略中原

晉元起江東王敦又煽亂哲士懷感傷聞雞舞

夜半

祖逖少有大志與劉琨俱為司州主簿同寢中夜聞荒雞鳴蹴琨覺曰此非惡聲也

因起舞元帝渡江以為軍諮祭酒

中原已瓜分黎庶罹患難亮

翼訖無成褚裒氣猶悍桓温包禍心北伐意獨

斷

先是庾亮吏翼鎮武昌相繼卒褚裒表請伐趙戰于代陂大敗桓温屢求北伐不許拜表

即行帥眾順流而下軍於武昌朝廷大懼温盖包藏禍心非真欲敵王愾也

浩忌佞

倖圖庸才豈忠幹屢敗喪師徒卒致節鉞換強

御製全史詩

第三冊

十六

臣置戍還功高心早渙

殷浩夙負重名率諸軍伐姚襄屢敗糧械都盡

桓温上疏廢為庶人温敗姚襄于伊水遂入洛陽脩諸陵置戍而還大權一歸于温矣謝

安禦苻堅何曾操勝算朱序先露機自退因疑

竄朝無濟世才未能作屏翰典午失國由大弊

在疲玩

苻堅大舉入寇謝元問計于謝安出遊山墅與之圍棋似已別有區處及堅

軍攻壽陽元等憚不敢進幸堅遣朱序說降序私謂石等宜速擊之敗其前鋒可遂破也元等

引兵渡水堅欲俟半渡擊之麾兵使却兵退不可復止遂大敗世以肥水之捷歸美謝安稱其

鎮靜有餘及觀其功以倖成初非能胸有成算
蓋江左風流相尚廷臣無幹濟之才副至失國
惟玩時愒日而已

拓跋興魏

諸部亂中夏拓跋起朔方英雄應運出珪即位

代王務農重本計稱魏制度彰克捷以甲子一

語國祚昌

代王珪登國之初已改稱魏王後遂以為國號及攻中山以九月甲子晦

太史令鼂崇謂紂以甲子亡兵家忌之珪曰周武不以甲子興乎遂大破之所謂一言興邦也

御製全史詩

第三冊

九

天興正尊號舊俗仍却霜

魏王珪即皇帝位改元天興其舊俗季夏

帥眾却霜于陰山

故土輕棄置失計遷洛陽孝文斷北

語改姓易冠裳忘祖大不孝逆天大不祥泥古

背先德再傳即滅亡殷鑒永銘念守成循憲章

魏孝文自平城遷都洛陽已為失計乃銳意欲

變北俗斷北語下詔改姓元氏頒賜羣臣冠服

變易舊風太子恂每思北歸謀輕騎奔平城孝

文大駭廢為庶人賜死立子恪為太子是為宣

武不數傳而國滅其逆天忌祖

自取禍敗可為萬世之鑑也

劉裕始末

宋武起細微統兵馭豪傑追賊能隻身自矜晏

談說劉牢之引裕為參軍遇賊數千追擊之裕墜岸賊欲下奮長刀殺數人乃登岸大呼

史遂以裕獨驅數千人徒妄語耳廣固欲盡坑凶心蓄猛烈拂

民敵益堅智勇豈可列聚眾守石頭破循計已

决仲德審機宜時勢早洞徹留毅消變謀深衷

益詭譎初裕忿廣固久不下欲坑之賴韓範力諫而止時劉毅與盧循戰大敗裕聚兵

御製全史詩

第三冊

二十

石頭王仲德料循必當奔貴可謂先見毅求退盧循長史王誕謂毅既喪敗不宜復使立功裕

乃以毅監太尉留府受禪侈瑞符篡奪出一轍以消變謀其計詭矣

應識弒二君殘忍莽操別流毒齊梁陳往復理

真切裕以識云昌明之後尚有二帝乃使王韶之謚安帝于東堂奉瑯琊王德文為帝禪

位又使張偉配殺之其殘毒較莽操尤甚自以

為老奸深謀蔓除務盡不知其後嗣獲報之慘

蕭道成始末

曾不旋踵厥後梁弒巴陵陳

弒江陰相尋無已可勝慨哉

宋主多猜忌淫刑絕宗盟本支皆翦落不待異

姓傾休範反謀著全國實道成宋明帝晚年猜忌忍虐誅鉏凡

弟諸王俱盡惟桂陽王休範以人才凡劣得全

休範反兵至道成以賊雖多而亂易破滅及振

旅還建康百姓緣道聚觀曰全國家者此公也蒼悟性昏暴射腹龍箭

鳴磨鋌自速禍夜半開承明袁粲仗義死褚淵

醜顏生蒼悟王昏暴嘗直入領軍府道成畫卧

將射之道成曰老臣無罪乃以龍箭射正中其

臍投弓大笑忌道成威名嘗自磨鋌曰明日殺

蕭道成道成陰結楊萬年于夜半行逆稱勅開

承明門以出時袁粲謀誅道成不克而死褚淵

相率勸進百姓遂有可憐石頭城彈指語極慘

寧為袁粲死不作褚淵生之謠報復迭代更奪篡相沿襲大統一線紫初宋禪

順帝當臨軒匿不肯出王敬則勒兵索得之引

今升車出居別宮帝泣而彈指願後身世世勿

復生天王家溯昔劉宋之取司馬與斯如出一

蕭衍始末

齊祚失東昏長驅來蕭衍石頭復請降大寶幾

御製全史詩

第三冊

旋轉乘亂奪邦家剥膚難倖免侯景蓄詐謀來

歸宜驅遣朱异構禍端受毒由識淺納金啓不

通欺朦名獠犬侯景背魏獻地梁武欲受之意未决朱异贊成之及魏欲與梁

通好景恐許之致書餉金于朱异异納金不通其啓實禍之首罪之魁也反戈向臺

城筮咎言實覲許和止援軍荒罹運蹇引賊

入蕭牆荷荷空哀喘初帝聞景反謂可折筮咎之景恐援兵大集拜表乞

降許之及臺城陷侯景入帝為景所制飲膳亦為裁節憂憤成疾口苦索蜜不得再曰荷荷遂

御製全史詩 第三冊 三

殂捨身惑虛無立政多乖舛帝好佛嘗捨身于同泰寺釋御服持

法衣行清淨大捨素床及器親為四眾講涅槃經羣臣以錢一億萬奉贖表請還宮三請乃許

崇虛無而忘實禍不亦惑乎

魏分東西

魏后再臨朝內亂用鄭儼徐紇名榮復止之慘

禍起倏忽費穆逞邪謀多士盡淪沒魏孝明帝惡鄭儼徐

紇逼于胡太后不能去密告爾朱榮舉兵內向欲以脅太后至上黨復以私詔止之儼紇恐禍

陰與太后酖魏主榮聞之舉兵向闕將軍費穆
降沈太后及世子釗于河縱兵殺高陽王雍以
下死者二千餘人
孝莊除二凶手刃行誅伐存兆罹灾

殃渡河入宮闕
孝莊殺榮及元天穆赦其黨爾
朱世隆帥榮部曲走河陰汾州

刺史爾朱兆聞榮死自汾州據晉陽輕騎涉河
叩宮門宿衛散走兆縱兵士大掠遷魏主至晉

陽獄高歡智慮深都鄴假節鉞逼帝就宇文魏

遂成秦越
高歡舉兵反王思政謂魏主朗以洛
陽非用武之地宇文泰乃心王室今

往就之還復舊京何慮不克帝下制書以宇文
泰為關西大行臺是為西魏宇文泰移檄州郡

御製全史詩 第三冊
三五

數高歡罪歡還洛陽立清
河世子善見是為東魏 國賊據東西拓跋氣

數竭

陳霸先始末

霸先始西江僧辯情好篤藉口遽興戎襲殺肆

荼毒本意非為梁假公濟私欲破齊受榮封篡

奪勢益促借亂圖定基嗟無好似續
初王僧辯
陳霸先奉

晉安王方智承制僧辯居石頭霸先在京口僧
辯推心待之及齊與僧辯謀納淵明霸先遣使

爭之不從會有告齊師至者僧辯遣人告霸先使為備霸先部分將士以為禦齊也俄而兵自內出僧辯苦戰敗走就執霸先殺之齊兵遂至秣陵霸先帥兵與戰大敗齊師霸先自進爵為王遂稱皇帝其假公濟私得國實不以正何怪乎後嗣之不克負荷耶 女寵狎容

盈三閣飾金玉納叛更速亡昏愚逞淫慾渡江

醉未醒張孔哀同東借理竊江山子孫遭汚辱

頑鈍雖全身失國罪難贖陳後主寵張孔二嬪作臨春結綺望仙之閣日恣昏淫又納隋臣蕭巖等降尤為速禍及韓擒虎引兵渡江自投于井猶與張孔同東而

御製全史詩

第三冊

上可謂全無心肝總由借理得國其後嗣敗不旋踵身遭擒辱雖頑鈍苟全亦有玷天位矣

宇文周滅高齊

北魏兮東西齊周世仇敵加以湛昏庸引寇自

啓壁段韶勝晉陽猶號敗戎狄齊主湛立不親政事及周師與

突厥逼晉陽齊主登北城軍容甚整段韶謂不

如陣以待之齊悉其銳兵鼓噪而出突厥不肯

戰周師大敗是猶號士開亂掖庭斛律懼鋒鏑公敗戎適益其疾耳長城已傾隕不待人攻擊更請獵一圍暗愚召

憂憾

和士開姦論百端琅琊王殺之斛律光請寬其罪宜也後光以反間罹禍真乃自壞

長城及周師伐齊克晉州齊主方與馮淑妃獵于天池告急者三至迨暮則平陽已陷齊主將

還妃請更殺一圍暗愚入鄴盡成擒州郡定傳至此雖欲不亡得乎

撤失德漫撫民汙俗天蕩滌

周師復伐齊齊師潰齊主回向鄴傳

位太子周師至盡擒之時廣寧王孝珩與任城王湝共謀匡復戰敗同被執天之所廢不可與也

楊堅篡周

御製全史詩 第三冊

三五

周宣肆猖狂作孽難悉數顧命付楊堅勢已成

騎虎

周主昏暴滋甚楊后父堅位望隆重深忌之周主不豫名幸臣劉昉等屬後事而瘖

不能言昉遂謀以堅輔政稱受詔居中侍疾周主殂秘不發喪昉等矯詔以堅總知中外兵馬

事尉遲迺奮孤忠擲弓辭悲苦

尉遲迺舉兵相州討楊堅堅遣

韋孝寬將兵擊之迺軍大敗走保鄴城

受禪視

泛常強臣欺弱主受制信獨孤易儲中

去聲毒蠱

堅受禪稱皇帝獨孤后性妬後宮莫敢進御帝有廢太子勇之意廣知之彌自矯飾帝與后愛

廣特甚決意欲廢勇立廣廣問計于宇文述述曰能移上意者惟楊素耳遂白素素大喜因盛言太子不才后遂貽素金使贊帝廢立乃宣詔廢勇立晉王廣為皇太子廣罪浮天

元身應膏鉞斧周主贊傳位于太子闡自稱天元皇帝廣昏淫滋甚高類嘗謂

實為覆載所不容又非但仍天元覆轍已也江

都逞夜遊竭民造舟檣築城疲役夫窮兵魚贖

武羣盜沸中原真人降秦府厭亂吳蒼仁唐興

定寰宇隋大業時開通濟渠自長安至江都置離宮四十餘所造龍舟及襍船數萬艘

御製全史詩 第三冊 三六

又發丁男百餘萬築長城擊吐谷渾攻流求征高麗天下嗟怨分遣使者十二道剿捕盜賊而盜賊益熾劉文靜謂李世民天下大亂羣盜數萬有真主駕而用之取天下如反掌夏侯端善占侯謂李淵曰今參墟得歲必有真人起于其分蓋天命有歸昏暴之主直為興王叢鸛淵獮耳

高祖興唐

兩晉五代連乾坤幾顛覆天付大英賢有唐神

器授世民啓淵衷應運蒼生救晉陽起義師招

密致辭詬遜語驕其心收功蚌鵲門唐高祖起兵晉陽以

書招李密密恃兵強欲為盟主高祖得復書笑曰密妄自矜大非折簡可致吾方有事關中不

如卑詞推獎以驕其志俟關中平定據險養威徐觀蚌鵲之勢以收漁人之功太宗智

勇深英姿蘊年幼料敵果如神開基昊穹祐入

城立代王受禪仍沿舊隋嗣免誅夷厚德子孫

茂太宗勸高祖早定大計實開有唐一代之基高祖入城尊隋恭帝為太上皇立代王為帝

旋禪位于唐高祖奉隋帝為鄰國公下詔曰近世以來世運遷革前代親族莫不誅夷興亡之

御製全史詩 第三冊

效豈伊人力其隋蔡玉智積等子孫並付所司

量才選用開國之規模宏大如此宜其克承天

眷遺澤密豈田橫流降叛等盜寇李密自負歸

孔長也不副本望請詣山東收餘衆之未下者會有詔

召密入朝密斬使者反行軍總管盛彥師擊斬

之徐勣名節高得君勲業懋垂白負國恩一語

大禍遘徐勣太宗謂之純臣冀可託大事厥後武昭儀之立成於勣之一言謂陛下家

事何必更問外人其逢長之罪可勝誅乎亂久治道還皎日懸清晝

萬姓幸安恬志定功成就

萬姓幸安恬志定功成就

貞觀君臣論治

正統屢更易遭厄如沸湯上天降英主戡亂定

四方偃武修文德太宗謂長孫無忌曰貞觀之初上書者皆言人主當獨運

威權或震耀威武惟魏徵納諫大度彰嘗謂執

勸朕偃武修文朕用其言常恐因喜怒妄行賞罰故欲公等極諫公等亦宜受人諫規模實宏遠治具

咸畢張不以詐謀用濁流源豈長洵為得政要

君作臣之綱有上書請去佞臣者帝問佞臣為誰對曰陛下陽怒以試之彼執理

御製全史詩

第三冊

不屈者直臣也畏威順旨者佞臣也帝曰君源也臣流也濁其源而求其流之清不可得矣君

自為詐何以責賜絹保勳舊豁達勝漢皇長孫

受人餽綰事覺帝惜其有功不因弓悟治理情

之罪但于殿廷賜綰數十匹變難盡詳嘗謂蕭瑀曰朕少好弓矢得良弓十

材弓雖勁而發矢不直朕始悟彞者辨之未精

也朕以弓矢定四方識之猶未能盡況天下之務乎乃命京官五品以上更宿中書內偏信受

省數延見問以民間疾苦及政事得失欺蔽魚聽日熾昌帝問魏徵曰人主何為而明

信則封建非善政百樂言實滅帝令羣臣議封

祚脩短定命自天堯舜大聖守之而不能固漢

魏微賤拒之而不能却今使勳戚子孫皆有民

有社易世之後將驕淫自恣攻戰相獄訟闕民

殘害民尤深不若守令之迭居也

命稍忽罹咎殃集思庶廣益虛公辨姦良嘗謂

曰朕以死刑至重故令三覆奏蓋欲思之詳熟

故也而有司須臾之間三覆已訖豈能盡無究

乎制凡決死囚者二日中五覆奏下諸州者三

覆奏令門下覆視有法當死而情可矜者錄狀

以卓識止封禪羣臣請封禪帝不許曰卿輩皆

聞

御製全史詩 第三冊

若天下又安家給人足雖不封禪庸何傷且事

天掃地而祭何必登泰山之巔封數尺之土然

後可以展戒盈刻不違貞觀誠令辟後嗣嗟內

其誠敬乎荒帝嘗有言天子至尊上畏皇天之鑒臨下憚

人望魏微曰願陛下謹終如始貞觀君臣之論

武韋之禍

兆應女主昌妖讖傳秘記一言喪邦家患難李

勩致司晨古戒垂豈可同決事因怠委政權履

霜堅冰至

太宗時太白晝見太史占云女主昌民間又傳秘記云唐三世之後女主

武王代有天下及高宗因徐勣之言立武氏為后後苦風疾百司奏事時時令后決之常稱旨

由是預

后妃遭凶鋒讀史為酸鼻

武后于宮中遣人杖王氏

及蕭氏各一百斷去手足投酒甕曰令二嫗骨醉數日而死

惑夫奪紀綱廢

子竊神器罪實褒妲浮革命據天位敬業申忠

忱身亾存大義仁傑託保身相國甘輔偽復唐

御製全史詩

第三冊

三十

尚歸功是非太倒置

武后罪狀莫詳于李敬業檄文事雖不成生氣凜凜

其時信重狄仁傑羣臣莫及嘗謂之國老而不名同平章政事者再而仁傑保身輔偽僅有母

子姑侄之言世乃以復唐之功歸之謬矣

汙宮任緇流淫刑用酷吏

慶之逢惡徒竟欲傾皇嗣乘疾迎中宗五臣效

忠智

武后令僧懷義入宮任用周興來俊臣等恣意淫酷而洛陽人王慶之竟請立武承

嗣為皇太子國是豈復可問及武后遘疾賴張柬之敬暉桓彥範袁恕己崔元暉舉兵討武氏

誅張昌宗等中宗始得復位唐祚之不亾幸也

復辟應改絃韋后又放

恣既知女禍深蹈轍遂顛棄五王懼誅夷三思
復得志父子同昏庸受辱猶狐媚君德凜自強
溺愛禍必積中宗與韋后同遭幽閉備歷艱危及復辟後不思幹蠱之義乃尤而效之任韋后所為無復禁禦后因得與武三思行其譏諧封張柬之等五人為王罷其政事三思復誣以誅謗矯制殺之狐媚惑主前後如出一轍總由溺愛不明怠于政事遂至紀綱凌替吁亂相尋可畏也

安史之亂

御製全史詩

第三冊

三

營州生祿山狡獪如狼獾失律罪應誅廢法自

貽感封王極寵榮釀亂國忠激初張守珪使祿山討契丹恃勇

輕進兵敗當斬守珪執送京師元宗惜其才曲法宥之屢立戰功天寶九載賜爵東平郡王唐

將帥封王自此始及祿山入朝楊國忠言其必反且請召之祿山聞命即至恐國忠奏留之疾

驅出關至范陽朝延遣使者至皆稱疾不出迎盛陳武備然後見之國忠日夜求祿山反狀祿

山遂反動地震鼓鼙排空驚霹靂魯公防河津

未成砥柱勳平原太守顏真卿知祿山且反預為守備祿山反牒至真卿遣李平

閒道奏之名募勇士旬日至萬餘人諭以討祿
山士皆感奮及河北諸郡陷獨平原博平清河
固守然人心已不能復振真卿翰敗顏生駕
遂棄郡渡河開關至鳳翔謁帝翰敗顏生駕
駘甘伏櫪哥舒翰及郭子儀李光弼俱請固守
中使趣之項背相望翰不得已撫膺
慟哭引兵出關幸蜀何倉皇元禮忽仗鉞肆亂
翰軍大敗降賊

顛沛時脅君逞鬥閱肅宗雖固辭靈武終自立

不聞告劔南攘位心太急元宗幸蜀首命陳元
禮整比六軍乃行次

馬嵬因軍心不靖藉是以清君側及國忠被殺
貴妃賜死元禮乃免胄釋甲其脅君之罪百喙

御製全史詩

第三冊

三

奚辭肅宗始因父老願從討賊擁馬不得行元
宗遂有傳位太子之命雖亦固辭不受後因裴
冕杜鴻漸請遵前命殘五上遂即位于靈武
彼時初不聞請命劍南可以規其心跡矣巡

速守睢陽孤忠勁節執尹子奇攻睢陽城中食
盡救不至將士病不能

戰巡西向再拜曰臣力竭矣城遂陷巡思明煽
遠俱被執巡且死顏色不變速死偃師

餘氛郭李雄師集節度潰相州監軍覆轍襲時
郭

子儀李光弼攻史思明軍聲大振及命子儀等
九節度討安慶緒以魚朝恩為觀軍容使九節

度之師敗于相州則梟子殛二凶
史謂安慶緒
官寺監軍之失也梟子殛二凶史朝義
收

京民暫輯廣平王傲郭子儀等兵至長安賊夜遁收復西京賊以餘眾保陝戰敗走

河北收復東京

藩鎮連兵

肅宗廢綱紀擅立任平盧懷玉禍之首姑息墮

刑誅平盧節度使王元志率裨將李懷玉殺元志之子推侯希逸為平盧軍使朝廷因以

希逸為節度副使節度賞罰皆倒置亂臣羣覲使由軍士廢立自此始

覲降將授節度廢本末益殊承嗣罪彌鉅祠逆

御製全史詩 第三冊

三五

真賊奴加爵復尚主名器嗟全無史朝義之將曰承嗣留守

莫州以城來降李懷仙為朝義范陽節度請降

取朝義首以獻因以朝義降將薛嵩為相衛邢

洛貝磁六州節度使田承嗣為魏博德滄瀛五

州都防禦使李懷仙仍為幽州盧龍節度使承

嗣為安世子旋加承嗣堂謂之四聖內侍孫知古

主許妻其子華欲固結德宗稍振作三鎮連根其心而承嗣益驕慢

株河北失舉措從此肆毒痛李晟奮忠義匡復

大業圖徵兵反召禍避賊離帝都正邪不能辨

偷安忘剝膚唐室屢變亂總由君道汙李寶臣與李正

已田承嗣等相結期以土地傳之子孫故魏博節度使田承嗣死寶臣力為田悅請至成德節

度使李寶臣死悅亦為寶臣子惟岳請帝不許田悅乃與淄青節度使李正己遣使詣惟岳潛

謀勒兵拒命德宗發諸道兵討之河北稍定而諸鎮各懷異志自是朱泚朱滔李希烈等相繼

煽亂希烈寇襄城發涇原等道兵救之節度使姚令言將兵五千至京城軍士冀得厚賞既至

無所賜鼓噪入城帝召禁兵無一人至者遂幸奉天令言等奉朱泚權知六軍泚僭號賴李晟

首倡大義將兵入援收復京師總由舉措失而邪正紊遂至變故迭生政之不綱所由來者漸

御製全史詩

第三冊

唐憲宗削平諸鎮

德順政不綱憲宗繼統續初政勉有為問罪始

西蜀納諫用崇文擒關挽頽俗西蜀韋皋死劉

宗不許徵關為給事中關不受命阻兵自守以關為西川節度副使關既得旌節志益驕求魚

領三川不許關遂舉兵反杜黃裳薦高崇文勇略可用勿置監軍必可擒關崇文至蜀八戰皆

捷遂長驅入成都關赴江不死平吳誅盜臣復乃檻關送京師并族黨誅之

令監軍督頓兵久無功專橫逞貪欲

西蜀既平

鎮海節度使李錡詐求入朝許之錡殊無行意詔徵之錡計窮遂謀反討平之後成德節度使王承宗反以吐突承瓘為招討處置等使承瓘至行臺威令不振與承宗戰屢敗 盜殺

武元衡肘腋變生促捕治又遲疑法廢難率屬

大索得罪人稍雪朝廷辱

帝以兵事委武元衡李師道容請密往刺

之未行元衡入朝有賊自暗中射殺之又擊裴度傷首京城大駭王士則告王承宗遣卒張晏所為捕積習能破除信度鴻勳錄惟斷事乃成得伏誅

御製全史詩

第三冊

扼要言誠篤

淮西自吳少誠已蓄反謀其子吳元濟繼兵侵掠及東畿諸軍討之

四年不克李逢吉等欲罷兵上以問裴度度曰臣誓不與此賊俱生請自往督戰時諸道皆有

中使監軍進退不由主將勝則先使獻捷不利則陵挫百端度悉奏去之諸軍始得專其軍事

賴以奏功韓愈平淮西碑所云惟斷乃成也

黃巢之亂

僖宗益怠荒寵信馬坊使聚斂害蒸民巢繼仙

芝起

田令孜咸通時為小馬坊使僖宗即位擢為左神策軍節度使與內苑小兒肆為聚

斂民病之王仙芝因與其黨攻陷濮曹州天平
節度使薛崇擊之不利冤向人黃巢遂與仙芝
反旬月之間
衆至數萬
中原復亂離羣盜肆赫燬求官豈

可從率府告身委閣於料賊謀昧幾禍焉弭王

芝攻蘄州以書與刺史裴渥約斂兵不戰渥許
為之奏官開城延仙芝奏狀以仙芝為左神策

軍押牙仙芝喜黃巢以官不及已大怒仙芝遂
不受命後黃巢表求廣州節度使宰相請除巢

率府率從之巢得告身大貽患由養癰巨容勝
怒詬執政急攻廣州陷之

即止玩寇罪實深君昏臣亦靡氛熾授天平楊

御製全史詩 第三冊 三

湯止沸耳黃巢趣襄陽劉巨容與江西招討使
曹全最合軍屯荆門闕伏兵誘賊大

破之賊渡江東走或勸巨容窮追巨容留賊以
為富貴資衆乃止巢將渡淮豆盧瑑請以天平

節餼昇巢及是下賊騎蹂長安倉皇車駕徙宗
制授之不得已也

楚雖復城賊還萬戶圮黃巢入長安田令孜奉
帝出奔諸屯軍薄城巢

率衆東走程宗楚先入居民懼呼出迎爭以瓦
礮擊賊其氣稍振軍士因釋兵大掠賊知官軍

不整還襲之巢復復光克鄧州一柱中流砥重
入長安縱兵屠殺

榮反側徒等亂臣賊子時朱温陷鄧州楊復光
與戰克之可謂一時之

傑王重榮初為河中留後請降于巢既而巢遣
調發河中吏民不勝其苦重榮恚驅使者殺之
大破朱溫于河中然重榮特反
側之徒非真能乃心王室也
克成大功還

都哀蕩毀觀史鑒戒存持盈首正己李克用戰

于渭南一日三捷義成義武諸軍繼之賊眾大
奔克用等入京師巢然官室遁去詔克用同平
章事克用破巢功第一諸將畏之自是藩鎮連
兵視共主如弁髦實由綱紀紊亂不能正己以
也正人

朱溫篡唐

御製全史詩 第三冊

三七

僖昭繼庸愚逆溫惡蹟烈師範舉義旗無成失

臣節存勗救幽滄謀因自利設奚肯奮勤王坐

視彼强劣僖宗冲愚為田令孜所制昭宗昏弱

王師範分遣諸將討之為溫所破溫欲取滄州

劉仁恭求救于李克用克用恨仁恭反覆不許

存勗不可與克用謀名幽州兵與攻潞州溫引

軍還不敢攻潞州存勗之計祇圖自利而已詎
有勤王之略歟
季述肆凶狂囚主門鎔鐵返正汴朱
岐

李茂貞

來互劫真盜竊宦官雖盡誅社稷隨覆滅

初宦官劉季述等謀廢帝陳兵殿庭劫帝與后
至少陽院鎖其門鎔鐵錮之神策軍討季述等
伏誅昭宗復位韓全誨劫幸鳳翔溫表迎車駕
茂貞拒之皆欲挾天子以令諸侯其心殆不可
問及茂貞師敗乃與溫連和欲誅宦官以自贖
在鳳翔所誅已七十餘人比至長安溫又以兵
驅殺數百人卒之君側之惡雖除而東遷毀故
主勢日弱國祚以傾亦氣數使然也

都凍雀語慘切

山頭凍殺雀何不飛去生處樂朕今漂泊不
知竟落何所因泣下沾襟左右莫能仰視

虐卓操踰椒殿哀流血不待九錫加逆臣計已

御製全史詩

第三冊

決政昏基必墮今古同一轍唐室又邱墟六合

復分裂

溫以帝有英氣欲立幼君易謀禪代乃
行弒于椒殿急圖禪代時朝廷以溫為
相國總百揆進封魏王加九錫不受遂廢唐帝
為濟陰王自稱皇帝溫之跋扈其罪浮于卓操
而昭宗孱弱先受制于宦寺又復受
制于強藩遂至六合為墟可慨也夫

後唐始末

梁篡大唐基晉王稱勁敵存勛智勇兼將士義
憤激大戰胡柳陂銀槍直衝擊自潰因幽軍奪

山冒鋒鏑氣足集勳轉敗成功績

莊宗初為晉王欲趨

大梁軍于胡柳陂帥銀槍軍陷陳因幽州軍擾而敗王據高邱收敗兵軍復振騎兵大呼入陣

諸軍繼之既守先王言得璽志憂感承業獨錚

梁兵大敗錚苦諫唐後覓跋扈心早萌孤忠徒抱怒築壇

遂居尊滅梁汙俗滌

吳蜀屢以書勸晉王稱帝晉王不許書示僚佐且泣

將佐藩鎮勸進不已張承業在晉陽聞之亟詣魏州進曰吾王世世忠于唐室何不先滅朱氏

復列聖之深讐然後求唐後而立之南取吳西取蜀讓之愈久則得之愈堅王曰奈羣下意何

御製全史詩

第三冊

三九

承業知不可止即歸晉陽邑惜哉不克終名禍

伶官溺

莊宗自為王以至為天子常身與俳優雜戲于庭郭門高以優進為親軍指揮

使激軍士為亂莊宗率衛士擊之亂兵縱火焚門緣城而入射殺莊宗以逆取而以逆終烏得

為智勇乎

石晉始末

敬瑭畜姦謀留朝消逆志縱之歸河東心又存

猜忌賜衣益懷疑醉語速禍至

後唐潞王與石敬瑭皆以勇力

善門事明宗素不相悅潞王即位敬瑭不得
已入朝將佐多勸留之後復以為河東節度使
會朝廷遣使賜軍士夏衣傳詔撫馭軍士呼萬
歲者數四敬瑭懼誅其倡首者帝聞益疑敬瑭
嗣以千秋節置酒晉國長公主上壽畢辭歸晉
陽帝醉曰何不且留遽歸欲與石郎反邪敬瑭
聞之懼反稱臣于契丹不忠兼失義但圖目前
謀愈甚

援已貽後日累醜顏為晉皇大寶外邦置詭道

豈久長因人倖成事敬瑭令桑維翰草表稱臣于契丹且請以父禮事之

約事捷之日割盧龍一道及鴈門闕以北諸州與之表至契丹契丹大悅許仲秋傾國赴援命

御製全史詩 第三冊 四

敬瑭為大晉皇帝事雖倖成亦有覲天位矣 納叛自招尤報復如奔

驥晉以鴈門之北歸契丹由是吐谷渾皆屬契丹苦其貪虐思歸中國成德軍節度使安重榮誘之吐谷渾帥部落千餘帳自五臺來奔契丹大怒遣使責讓是自速禍也

契丹滅晉

齊王嗣統初延廣造禍首囚使奪貨財庸妄速

愆咎背德實不祥深恩一朝負齊王重貴即位大臣議奉表稱

臣告哀于契丹景延廣建議致書稱孫而不稱臣契丹大怒遣使來責延廣復以不遜語答之

初河陽牙將喬榮從趙延壽入契丹契丹以為
回圖使往來販易于晉置邠大梁及契丹與晉
有隙景延廣因說囚榮于獄悉十萬劔橫磨誤
奪其貨以怨報德不亦悖乎

國騰狂口兵革復蔓延括民肆殘蹂終封負義

侯永貽史冊醜喬榮釋歸辭延廣延廣大言曰

稱臣奉表今上乃中國所立所以降志于北朝
者正以不敢忘先帝盟約故耳為隣稱孫足矣
無稱臣之理翁怒則來戰孫有十萬橫磨劔足
以相待自是契丹遂大舉入汴執重貴以歸封
為負義侯此五季
閩位庸劣之尤者

御製全史詩 第三冊

四十一

劉知遠始末

知遠據太原才識本高曠擁兵不入援亦心懷

觀望得利效漁人時勢審趨向晉主忌知遠以
為北面行營都

統知遠廣募士卒又得吐谷潭財畜由是富強
晉主與契丹結怨知遠知其必危未嘗論諫及
聞契丹入汴乃分兵守四境

奉表稱臣契丹賜詔褒美 假名迎故君竊位

太驕亢從益受誅夷淑妃言悽愴再傳即滅亾

失德絕昊貺河東將佐勸知遠稱尊號知遠不
許聞晉主北遷聲言迎歸晉陽軍

士皆欲立知遠爭呼萬歲遂即位知遠至汴清
官密令殺李從益及王淑妃淑妃且死曰吾兒
何罪何不留之使每歲寒食以一盂麥飯灑明
宗陵乎聞者泣下及知遠殂子承祐立欲誅郭
威威入朝自訴承祐自出觀軍還官不能入
為亂軍所殺無德而閻于天位其能久乎

郭威始末

承祐年幼弱四輔復異塗羣小肆詭譖楊邠史

宏擊真無辜郭威王峻全家戮速禍由亂誅起兵

清君側步騎紛長驅隱帝繼統蘇逢吉楊邠史

御製全史詩 第三冊

四十五

後為邠等所制積不能平遂謀誅宏擊及邠等
並誅郭威王峻家屬極其慘酷威名諸將告以
楊邠等冤死之狀擁兵彥超輕勁敵脅主離故都

一戰遂瓦解匹馬身遭屠立贊眾咸忿黃旗已

被軀走險成篡竊代謝惡蹟符慕容彥超恃其

足慮請隱帝出視師輕騎直前馬倒幾被獲引

兵退隱帝策馬還官不得入為亂軍所殺百官

表請以子贊承大統太后臨朝聽政時契丹入
寇太后勅威將大軍擊之遣使慰勞諸將相顧
不拜威引兵趣檀州將士忽大譟踰垣登屋而
入裂黃旗以被威體擁威南行威上太后牋請

奉漢宗廟事太后為母廢墳為湘陰公遂即位
威乘危以奪人國其篡竊之罪欲益彌彰矣

御製全史詩

第三冊

欽惟我

皇上乙夜觀書

幾餘念典綜百王之軌範極千古之會通曩者

御製左傳詩百篇繼詠三皇五帝本紀得詩八篇詠

尚書得詩五十八篇近復

綜攬通鑑紀事本末得詩百篇自邃古以迄勝朝法

戒昭垂裒然全史茲奉

御製全史詩

總跋

命彙為一編臣等服膺

睿製涵泳

聖涯殫竭愚蒙莫名萬一竊以

皇上文思天縱筆削大公緯史經經兼賅並備而獨

於尚書詩後繫以

御製識語以為德仁誠敬咸由於中精以察之一以

守之乃能允執厥中而無過不及

聖謨洋洋雖專為尚書立論而言近指遠守約施博

全史之綱領一以貫之矣粵自三皇初肇五紀

遞乘易書契於結繩垂衣裳而莅宇神明作述

治統權輿爰及勳華中天極軌勛邦家之勤儉

辨人道之危微修和懋而九區寧智勇錫而萬

邦正懋黎誓牧集大命而宣重光立政建官定

豐功而垂寶訓蓋三皇五帝率性而得乎中者

御製全史詩

總跋

二

也三王復性而得乎中者也太甲成王改過遷

善而得乎中者也稷契皋陶萊伊周召則又陳

善閉邪引君當道而得乎中者也迹熄詩亡桓

文競鶩孔子懼而作春秋邱明因之著內外傳

否臧具列褒鉞無私明王伯之分定倫常之則

仁義昭而功利黜臣子順而君親尊素王素臣

雖不得位而天下萬世大中之理由此益明不

得謂之空言無補也季世以還罕聞斯義三家
分晉六國并秦漢高除苛政於關中定中原於
馬上易代之後諸呂弄兵邊功備極於勞民豔
處頓忘於懷配政衰成帝禍極新都賴白水之
中興致炎宗之再造後以獄興北寺盜擁黃巾
函夏瓜分寇戎踵續南紀則大都逆取北朝則
惟尚兵爭載政前蹤都無善政至太原舉義之

御製全史詩

總跋

三

後乃生民蘇息之辰貞觀君臣明良罕匹永徽
以降多故漸生國命執於中閨勁兵萃於蕃帥
河朔則強臣跋扈長安則羣盜馮凌浸淫至於
五季紛紛而塗炭甚矣宋之初政頗尚溫仁其
後偽作於天書禮渚於濮議周官誤政花石妨
民羣小交爭邊臣召敵戚貽於北狩境盛於南
遷虛陳恢復之談奚遏權奸之釁金元初創令

辟間生惜匡弼之無人致太平之未覲明初二
祖英武足稱貽燕未臧內訌旋熾大禮奪諫爭
之氣青詞開媚禱之端礦稅紛增鈞黨遍逮洎
逆璫之煽禍釀巨盜之移都徒為

聖主之驅除致費

真人之戡定由此言之三皇五帝三王得乎中而郅治

興國祚永漢唐來一二賢主不足言中而間與

御製全史詩

總跋

四

之合猶足以澄清多難馴致小康後嗣子孫弗

克用又或以優柔而委柄或因苛急以失民或

殘善賞姦而致紀綱頽敗或喜功好大而忘稼

穡艱難備觀得失之林略具古今之蹟非

大聖人建中以圖治不足以昭萬古之大經非

大聖人建中以立言亦不足以定千秋之信史也我

國家文治武功巍蕩蕩

皇上敬

天法

祖億古無倫猶懷馭朽之思彌軫復隍之慮法所當法而不泥陳編戒無可戒而仍懸殷鑒緇絀紛披丹毫流詠定昏明之黜陟嚴忠佞之褒誅述安民察吏之源極杜漸防微之論至於舉大賅細顯微闡幽則所謂精以察之者也體例森嚴始終條理則所謂一以守之者也

御製全史詩

總跋

五

大聖人心法治源胥於是寓固不僅在聲詩之迹亦豈徒為詠史之文繼自今刊布藝林日星炳耀俾膠庠人士寰海蒸黎讀

聖人之詩以知

聖人之志雖書萬本而誦萬遍其所以頌揚

大中之德者豈有量哉臣等曷勝懽欣欽佩之至臣

慶桂臣 董誥臣 戴衢亨臣 托津臣 英和臣 趙秉冲臣
黃鉞拜手稽首恭跋

御製全史詩

總跋

